

U KULAI DIENG

(1994)

Humphrey Blah

Acc. No. 1/4010/RB

Class No. _____ Book No. _____

Author Bloch, Humphrey.

Title U Kuloi Dieng.

Borrower's No.	Due Date	Borrower's No.	Due Date

Acc. No. 1/4010/RB

DISTRICT LIBRARY

GOVERNMENT OF MEGHALAYA

RI - BHOI

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

Help to keep this book fresh & clean


U KULAI DIENG

Humphrey Blah
(1994)

IA KA HOK TYNRAI LA TYNGKAI

LA MANA BAN AIWAI

La Pynmih Bad Pynphriang
"Da ki LALOO BROTHERS"
Umsohsun Shillong—1



U Kulai Dieng

Ka shitarik u snem thymmai dei ka lat kaba shongshit bad iphuh iphieng tam ha ka ri Persia baroh kawei. Ka jingleh kmen leh sngewbha ha kane ka sngi ka kham heb bad kham shongshit ha ka nongbah Chirak Ka iing sviem dei ka pdeng bah jong ki tamasa baroh, ha kaba ki jingia-leh-kai ba laiphew jait ki don, nalor kata bud sa ka khawai ka dawai kaba iaid shait shi shait

Namarba la sdang noh ka sngi u paitbah ruh u la sdang stait na ka lypung ialeh kai Tamasa. Hamar kane kapor wan poi u wei u nong India uba shu tan ia uwei u Kulai. Ka jing-pynriam pynbeit ia une u kulai kaba itynnad bha Haba shu peit lieb u i thik kum u kulai ba don jingim, hynrei ha ka rukom ieng ba khlem khiih ka pynartatien ia kiba peit ba u dei uba im. Ka dei ka ba shisha ba une u ku ai u dei u kulai dieng.

“Pa-iem”, la ong u nong India “nga sngewsih ba nga la poi dier por”, hynrei nga wan khnang ban pyni ia phi ia une u kulai ba phylla tam.”

“Ngam iohi jing phylla ei ei te hep ha une u kulai jong phi” la phai ktien u syiem.

Da ka mat puh samrkhie la kynjoh ktien biang uta u samla India, “une dei u kulai uba da phylla na ki ba phylla baroh ha ka

daw ha u lah ban her ha suin bad u lah ban
pynpor ia phi tang hapdeng khyndiat por ha
kano kano ka jaka ba phi kwah ban leit”.

“Ngam sngew lah ngeit”, la jubab u syiem,
uba ha ka juh ka por u kwah ruh ban tip.
“Phi lah ban pynshisha ia kaba phi ong”.

“Nga lah”, la jubab u samla, “Hukum ia
nga ban her sha kano kano ka jaka ba phi
kwah.”

Kumta u syiem u kdew sha uwei u lum
bah ba sha jngai bah u da ong, “Kdiah kawei
ka tnat slatlai ka ba mih ha them jong u tai
u lum bad wanrah ia ka sha nga.”

Khlem da bun ktien uta u samla u kiew
joit halor u kulai, bad mar ia khniot ia u
budam ba don ha ka liang kamon jong ka
ryndang kulai, u kulai u kiew sha suin Baroh
baroh ki shu ang dheng da ka jinglyngngoh
katba u ta u kulai u nang kiew nang kiew sha
suin. Ynda u la her sha ka liang ba don uta u
lumbah kim iohi shuh ia u. Tang shiphang utai
u lah da wan phai bad u sangeh khek ha khmat
ka khet u syiem.

Uta u samla India da ka jing phuhmut
phuhmat u biar na u kulai bad ai ia uta u
dieng slatlai ha u syiem.

Kane ka la pynsngewbba bad pynlyng?
ngoh haduh katta katta ia u syiem. “Ka dei
kaba shisha kein hep ba u kulai jong phi u

long u ba phylla na baroh kiba nga la
iohi mynta ka shgi". Namarkata buh dor ia
u namar ba nga mut ban thied". la ong u
syiem.

Kyrngah khlieh uta u samla, u da ong artat
da ka sur don akor, "Ngam kwah pisa phi
paem kaei kaba nga kwah kalong ban iapoi-
kha bad ka khun syiem bad une u kulai un
long ka jingai sngewbha ia phi"

Baroh ki myntri kiba ia don lang hangta
ki shaiong ngain ia ka jingshlur jong uta u
samla. Joit ieng u khun syiem bad u ong,
"Papa une u briew u shlur palat. Kumno ha
u nud ban buh kum kane ha jingtyrwa. Ka
para jong nga kam lah ban iapoikha bad u
briew u bymdei na ka jait syiem."

U syiem um ia mynjur ia ka jingong u
khun wat lada um pynpaw. Ha u shimet, kan
pher aiu lada ka khun ka iapoikha badno
badno, u sngew ba um duh nong ei ei ruh.
Hynrei ban duh ia kum une u kulai ba phyl-
la ka jing duh nong ka long kaba jur na-
marba une u nong India u lah ban die sha
kiwei pat ki para syiem bad kumta ka hima
Persia kan babe kylla U syiem u pisa lynga
haba u mut dur ba kawei pat ka hima kan
ioh ksoh ia kum kane ka tiar ba phylla bad
ba kordor.

Khnanng ban da rap-jot ia ka jingbymiaid jong
u ia la ka khun; u syiem u da husiar bha
ka jubab. "Peit hep, kane dei ka kam kaba

ngan da hap pyrkhath sani bha. Nalorkata nga sngew ba ngi dei ban da pyrshang dalade ia une u kulai shwa ba ngan ai ka jubanlak. "kaba dei phi papa" la kynjoh ktien u khun, ai ngan pyrshang manga ia une u kulai." U khun syiem u la kmen ba u kwah eh ban shong ia uta kulai, Katba u kpa pat u pyrkhath ba un sa lah ban pynbor ia uta u samla ban shim da ka pisa. Uta u samla pat u pynkloi ban ai ia uta u kulai ban pyrshang namar u ngeit ba un sa ioh ia ka jing kyrpad jong u.

Ha ka jing-shongshit palat, u khun syiem u klet ban kylli bniah shaphang kumno ban pynher ia uta u kulai. Mar ia kiew ha u kulai u khniot ia u budam ba don ba ryndang u kulai bad mar kumta hi her u kulai sha suin bad tang khala khala ym iohi shuh.

Mar ia jah u khun, kyndit briew u syiem bad mynta u sngewthuh ba lah ban don jingma namar ba u trai um shymbatai bha kumno ban pyndonkam.

"Phim shym batai ei ei ia u kumno ba un wan phai Tharai uto u kulai u noh ha duriaw haba kumta u khun jongnga khlem artatien un shu iap ei" la ong u syiem.

Da ka khmat phuh samrkbie, la jubab uta u samla India 'wat khuslai paiem, kam jia ei ei kum kata ia u khun syiem, uto u kulai u don ka bor jadu, da lei lei ruh un ym noh ha duriaw lane ha kano kano ka jaka ba don jingma".

Wat la katta ruh u syiem u artatien, "Lada jia ei ei ia u khun ngan khrai khlieh ia me", la byrngem u syiem, "namarkata ia mynta hi men sah kum u koidi tat haduh ba u khun un da wan phai".

Hangta u syiem u hukum ia ki shipai ban kem ia u. Uta u samla u iakhing u da ong biang ba u khun syiem um lei lei, ki shipai pat ki patom ia u sha patok khlem jingisynei. U khun syiem pat sadhai la ka jingsngewtynnad Katba u kulai u nang kiew sbalor katta nangsgewtynnad u khun syiem. Ynda la bun kynta u sdang ban sngewthait bad mynta u kwah ban wan phai, hynrei u sngewthuh ba ym tip kumno ban pynphai ia u kulai.

Wat la katta ruh u pynthanda la ka khlieh bad mynta u peit thuh ia ki tiar ba pyndait ha u kulai bad shen shen u lap uwei pat u budam ba don ha ka liang ka diang jong u ryngdang kulai.

Nangta u khnoit ia u ta u budam bad soifi noh u kulai khyndiat pa khyndiat bad mynta u lah ban iohi ia ka shnong bad ia ki iing ki sem. Hynrei kine ki jaka bad u iohi ki pber bad u kyrmen ba um shym poi ba ka shnong jongki nongshun lymkumta u lah ban iap ruh lada jia ba ki lap.

Uta u kulai u hiar khyndew ba ka por mynmiet. Donbok ba ka dei ka miet shai bnai bad mynta u sngewthuh ba u kulai u hiar halor ka tnum jong kawei ka iing dulan. Yn

da u la hiar na u kulai u sdang ban peit
 thuh shane shatai. Kumta u par suki suki ha
 duh ba un da poi ha kawei ka jingkhong barit
 kata ka jingkhong ka plie bad nangta don ki
 maw jingkieng kiba poi shapoh.

Ryngkat bad ka tieng u hiar na ki maw
 kynd n bad u poi ha kawei ka lynti khim
 ba shat shai. Haba kut kane ka lynti don ka
 jingkhong baplie bad nangta u ioh sngew ia
 ka sur syngkhor thiah. Ynda u la plie ia
 ka jingkhong u iohi bun ngut ki briew
 iong ba ioh thiah lyngngai ryngkat bad ka
 jingsyngkhor bad ki waitlam ha syndah
 krung jonguweipa uwei na ki.

Sor u iaid lait ia kata ka kamra ba
 thiah ki mraw, bad mynta u poi ha kawei
 pat ka kamra kaba itynnad bad ba la pyn
 riam pynbeit. Halor jong ki shuki sofa thiah
 ki kynthai kiba bha briew bad ha kawei ka
 jingthiah bakyrpang iohthiah lyngngai kawei
 ka kynthai kaba bhabriew haduh katta katta.

Mynta u khun syiem u sngewthuh ba ka
 ne ka kynthai ka dei ka khun syiem bad ki
 to ki kynthai ba ker sawdeng dei ki shakri
 jongka. U leit sor sor hajan bad u peit shin
 ia ka dur bha-briew jongka bad katba u
 dang leh kumta, kyndit ka khun syiem. Ka
 peit lieb bad ka iohi ia u samla ba bha
 briew bad ba riambha, bad ka mutdur ba ka
 phohsniew. Ynda ka la ktah ia ka ngap jong
 u mynta ka sngewthuh ba kam shym phoh-
 sniew.

Nangta ka shong ka ong, "phi dei u ei ? bad phi wan leh aiu hangne?".

Nga dei u khun syiem persia," u la ju-bab da ka sur ba sngewieid bad ba don akor" bad nga kum wan poi khlem da tip halor jong ka tnum iing jongphi, phi pat phi dei i ei mo lada phnu sngew ei ei ?

"Nga dei ka khun jong u syiem ka Bengal," la phai ktien sa ma ka, khlem da sngewtieng shuh, "bad kane dei ka iing shong pyngngad jong nga ha ka por lyuir ia kaba la thaw kyrpang da i para. Kumo phi ioh rung hangne? Lada ki shipai ap-phira jong nga ki la iohi, ka khlich jong phi kan jin da la sleit."

Ynda la shong ha syn dah jongka u sa batai kumno ba u iaid laid sor-sor na kita ki shipai pahara ba ioh thiah jongka bad kumno ba u wan poi hapoh kamra jongka. Bad hangta u sa batai shaphang u kulai bneng ba u shongkai na Persia bad kumno ba uta u kulai suin u pynhiar ia u halor kata ka tnum iing syiem bad ba mynta u don hangta.

Ka khun syiem kaba la sngew shongsait ka ong "phi dei ban pyni ia nga mynta ia uta' u kulai bneng jongphi".

"Khlem artatien ngan pyni la shai dang step. Mynta u kulai u don ha tnum bad um lah ban her dalade khlem manga. Bad nang

ta ryngkat bad ka jing sngewlehrain u ong,
 “Ngam shym ioh bam la kum ba katto kat
 ne kynta. namar ba nga sngew thngan phi
 don jingbam ei ei khyndiat khynsot”.

“Wa shisha mo ka jingklet bie j jongnga”.

Ka la phai ktien bad kumta hi ka kysiew
 ia kita ki shakri kynthai bad phah khreh ka
 bam ka dih. Kita ki shakri ki lyngngoh ban
 iohi ia uta u bried hapoh kamra, katta miet

Ym slem hadien kata la pynkhreh ia ka
 bam ka dih bad la ialam ia u khun syiem
 sha ka kamra bam. Ki jingbam ba harru-
 kom la buh ha ki phang ksjar bad ha ka
 klad la pyndap ia ka wain ba saw syiang.
 Bad ia kita ki jait jngbam ym pat ju ioh
 bam ha ka jingim U khun syiem u bam
 bad dih ha ban da hun jrut. Ynda la dep
 bam wan ka shakri rangbah bad ka ong “Ko
 Kynrad jongngi, ka khun syiem ka hukum
 ia ngi ban ialam ia phi sha ka kamra thiah
 khnang ba phi lah ban pynaram ialade. Ale
 ngan pyni ia phi ia ka kamra thiah”.

U khun syiem u bud ia kata ka shakri
 rangbah. Ka kamra thiah kaba la pynriam
 itynnad bad ka jinthiah kaba jem mom mom yn-
 da u la dem u ioh thiah ngai lyngai kumba bret.

Ka khun syiem pat mynta hala jinthiah ka
 shu pisa lyng-a khlem leit khmat ba ka pyr-
 khat shaphang uto u khun syiem.

Kyrmen phi la pynsuk pynsain ia u khun

syiem". Ka ong ia kita ki shakri kynthei bad baroh ki ong "Hooïd kynrad bad mynta u khun syiem u la ioh thiah lyngngai". wat la katta ruh ka khun syiem kam pat hun

"Kynrad" la ong ka shakri rangbah, "ngi la leh katba lah ban pynsuk pynsain ia u khun syiem. Ngim pat ju iohi khun syiem uba bha briew kat une namarkata ngi sngew ba phi ia hap kyrdan ban ia poi kha bad u". Phi dei ban kyrpad ia u ban sah kham slem hangne kein kynrad.

Saw kyr-ang ka khun syiem kaba da rkhie kohkdiak artat ia ka jingshlur jong kita ki shakri

Wat lada kam pynpaw ruh hynrei hapoh mynsiem ka la mynjur bad ka jingong jong ka shakri rangbah Naduh ka khyllipmat ba ka iohi ia u khun syiem ka lah da shoh jing-
ieid ia u, bad kut jingmut ban ia poi kha bad u.

Ha ka step kaba bud, khie ka khun syiem dang step phyrngah. Mynshwa kam da salia eh ka riam ka beit, hynrei ha kane ka step, ka sad ka khyllong bad riam sbi sut da ki rong klew, ka teh sa u ribbon ba la pyndait da ki mawlynnai ba bun rong, ka deng ki khadu bad u kynjri ksiar ba la pyndait da ki maw hira bun rong. Ka jingriam bad jinkieng ki la nang pynphuh bad pyn-
itynnad shuh shuh ia ka dur ba la bha briew lupa jong ka.

U khun syiem ruh u la khio thiah

bad hadien ba u la dep sum dep sleh la
 pynbiang sa ki jain ki nep ba un phong.
 Hadien kata wan mih ka shakri rangbah ban
 iathuh ba ka khun syiem ka kwah ia u ban
 ia dih sha lang. Ynda u khun syiem u la poi ha
 kamra bam hangta u lyngngoh ba ka khun
 syiem ka kham bha briew shuh shuh ban ia ka
 ba u iohi hynne myumiet bad mynta jing
 ieid jong u ruh ka nang jur nangjur.

U khun syiem um pat shlan ban khlei
 lut ia kaei ba u don hapoh mynsiem na-
 mar ba dang shu ia kynduh shen kumta ki
 shu iakren kai noh da kumne kumtai.

Namarba um pat da ia ithuh ithaw bha
 kumta u khun syiem u kham tyngkan ha ka
 kren ka khana. Kumta ha ka por dih sha
 step ki shu iakren kai da kumne kumtai.

Ka khun syiem ruh kumjuh ka dang
 sngewlêhrain ban ia kren iakhana. Hadien
 ynda ka la kham sngewshlur ka sngap dngong
 ia ka khana ba iathuh shaphang uto u kulai
 suifi bad kumno u wan poi ha Bengal.

Ynda la dep dih sha ki ia kiew shalor
 ka tnum iing. Ka khun syiem ka dap da ka jing
 kmen haba ka iohi ia uta u kulai Dieng.

“Ani Wow! uba da i phylla shisha”, ka
 la iarah ieit. “Ngan jin da la kwah ba i pa
 pa in iohi ia uné u kulai. Phi dei ban ia
 kynduh bad i papa in sngewbha haduh kat-
 ta katta ban iohi ia phi”.

Kyrngah khlieh u khun syiem u da ong artat, "Nga ruh nga moñ ban iashem bad i tang ba khlem ki nongsynran bad ki kulai te kan long bieij kein".

"Sa kum ita ruh, yn eh aiu", la phai ktien ka khun syiem, "ai ngan pynbeit ma nga".

Hynrei u khun syiem um mynjur. U ong ba u sngewbieij ban shim kabu namar ka ktah ia ka burom b'd ijot jong u kum u khun syiem. Bad ka khun syiem ruh ka sngewihuh ia kata.

Mynta ki kdat noh sha kawei pat ka liang jong ka phang ia kren. Ka khun syiem ka batai shaphang ka hima Bengal bad shaphang u kpa.

Nangta ka ialam ia u sawdong ka compound iing syiem ban pyni ha u ia ki' jingphylla ba don, hapoh jongka don ka persyn tiew ba phuh da ki syntiew itynnad bapher bapher.

Nangta poi sa ka por miet. bad kumta ki shong bam ha kamra bam bad ia bam katba ha kajuha ka por pat ki jingpat ba sngewbang ki dang kynud. Ki nong ia tem dei ki thei bhabriew. Bad kumta ki sngi ki miet ki shu leit khlem sngewthuh ba la pyn byngia bad pynshoh bieij da ki su' ba har rukom.

“La shai nga dei ban leit phai noh sha iing”, Ong u khun syiem shwa ban leit thiah noh artat, “namarba i papa in sahnud ba ioh nga la hap ha ka apot aiu re. Nga kular ban sa wan phai pat sha phi”.

Wat lada ka khun syiem ka kohnguh ia ka jingleit phai pynban hapoh mynsiem ka sngewba ka jingiakhlad kan pynpait dohnud ia ka. Ka sngewba kam lah shah ban duh noh bad ban klet ia u.

Kumta ha ka sngi kaba bud ka shna ka prokram ban pyntud ia ka jingleit phai jong u khun syiem. Ha kawei ka sien ka ialam leit beh mrad ha kawei pat ka leit bam picnic, ha kawei pat ka khawai dawai ia ki lok ki jor mynmiet pat sa ka tem ka put bad da kumne ki sngi ki shuiaid khlem sngewthuh haduh arbnai.

Ha kawei ka sngi u khun syiem u kyndit bynriew bad u ong “peit khun syiem” ka por ka la shu her la kumno nga dei ban leit phai shaiing. I papa nga ngeit im nang thiah nang dem shuh haba i pyrkhath ia nga. “Wat tieng ngan wan phai biang bad ngan sa wan ban dawa ia phi ban long ka tnga jong nga”.

Saw kyrang ka khun syiem ban ioh sngew ia kane ka jingieid ba u phla madan khlem lehrain, bad ka ruh ka pynpaw ba ka ieid ia u.

“Tangba” ka ong, “ngam lah shah ban khlad na phi wat tang shi khyllip mat ruh.

Sngewbha seh ialam ia nga ryngkat bad phi sha Persia.

"I papa jong phi in ong kumno? la phai tien u khun syiem, "nga ngeit in ym mynjur dalei lei ruh".

"Kampber, ngin ia mih jar jar" la ong sa ka khun syiem, yn nai iathuh iano iano ruh".

Ka kyrpad ia u khun syiem haduh katta, katta ba ha kaba kut u ruh um banse ryngkat bad ka jingkmén namarba u ruh um kwah ban duh ia ka.

Kumta ha ka step kaba bud ki mih dang phyrngab ha ka por ba ym don mano mano ruh ba khiethiah bad ki ia kiew shalor tnum, kiew u khun syiem halor u kulai bad ka pat ka shong nadien. Ynda ka la bat skhak na syngkai jong u, hangta u khun syiem u shon trait ia u budam bad markumta hi kiew u kulai sha suiñ.

Suh u kulai wiaw bad tang hapdeng ar-kynta ki lah da poi ha Persia. U khun syiem u phubmat haba u iobi najrong ia ka sorbah Chirak. Ynda u la pynhiar ia u kulai kham shapoh, ki trai shnong ki ithuh ba u dei u khun syiem. Baroh baroh ki ia bylla da ka jingkmén bad shen shen ka khubor ka po ha iing syiem shaphang ka jingwan phai u khun syiem.

U syiem u la kmén palat. Baroh shi-

Kattā u pyrkhāt ba u khun u la iap kumta u phong da ki jain iong. Mynta tang shu tip u law ia ki jain iong bad u riam u beit ban leit iakynduh ia u.

Katba ki dang ia don ha suin, baroh arngut ki ia pyrkhāt aiu ban leh. U khun syiem u sngew 'ba um dei ban pynia kyn-duh ia ka bad u syiem tad haduh ba un da la bataj lut ia kiei kiei baroh "Khmiḥ sha-ne khun syiem" u ōng, "nga sngew ba nga dei ban pynkhreh ban iashem bad i papa. Shuwa ba ngan pyniakynduh ia phi bad i. Nga tip ba i papa in ym ujur ei ei sha phang ka jingia poi kha jōnggi, tangba nga sngew ba ngam dei ban iaid lait na i.

Don ka iing shong pyngngad jongnga ka ba nga juh shong kaba nga leit beh mrad-Kumta ngan leit buh ia phi hangta shipor mynta ki shakri shakor jongnga kin peit bad sumar ia phi tad haduh ba ngan da wan phai, nga ngeit phi sngewthuh ia kata ba ngi la ia pynbeit.

Ka khun syiem ka mynjur. Ynda u la pynhiar khyndew ia u kulai, Ka khun syiem ka rung ha iing bad u khun syiem, u ich noh ia u kulai dieng ha trai dieng, bad u kiew da uwei pat u kulai ban leit iashem ia u syiem. U kpa uba dap da ka jingkmēn ban iohi pat ia la u khun, u piam da ki ummat jingkmēn.

Kumba arsngi eiei u khun syiem um shym

iathuh, ia u kpa shaphang ka khun syiem,
Ynda u la, iathuh hangta u syiem u ong
balei "phim wan ialam beit ia ka sha iing.
Phi tip ba ngan ym kyrngah, ka la leh bha
ia phi baduh, katta, katta, nalor, kata ka dei
ruh ka khun jong u syiem bakhraw. Khie
leit mynta mynta bad wan ialam ia ka khnang
ba yn, ioh pyndep noh ia ka niam ka rukom
iapoi kha.

U khun syiem u pynbeit mar mar ban
wanlam noh ia ka khun syiem sha iing syiem.
U hukum ba kin pynkhreh ia ka prosehon
ba beh da ki kulai bad hakmat duh un ialam
da lade.

Ha kajuh ka por u syiem tymmen pat
u ai hukum ban pyllait noh ia uto u nong
India bad ban pynhajir ha khmat jong u.

"Peit shane hep!", la ong u syiem, "ngan
pyllait noh ia phi mynta kumba nga la kular
namarba u khun u la wan phai khlem da jia
eier. Hynrei mynta nga la hap kylla ktien noh
shaphang ban shim ia uto u kulai jadu na ka
daw ba u la wanrah jingsngewsih bad jing
khuslai ia nga.

Phi lah ban rah noh ia u mynta namar
ba nga la rai ba. ngan ym thied., Nguh u
nong-India ngon bad u mih noh artat da ka
jingkhublei ryngkat bad ka khmat phuh sam-
rkhie. Hapoh mynsiem u dap da ka jingbitar
shla ba u la shah lehbein bad niewpon. Mynta
u kut jingmut dukhi, dukhait ban pynbiar knut
ia u syiem.

Bak u iaïd sha ka jaka buh ia u kulai dieng bad u wad ia u manager jong ka iing shikari.

“Peit shane, u ong” U syiem u la ai burom ruh ia nga. Ym tang ba u la pyllait ia nga na phatok namarba u khun syiem u la wan phai, hynrei u la ai lad ia nga ban leit on ia ka khun syiem sha iing syiem, kumta sngewbha aiti ha nga ia u kulai jong nga bad ia ka khun syiem. U manager u ngeit ia ka jing-iathuh jong u nong India khamtam ba u iohi ba u la lait na phatok bad kumta u aiti noh mar-mar ia u kulai jadu bad u iathuh ia ka khun syiem ba u nong India un leit ialam ia ka sha ka iing u syiem kaba don ha ka sor bah.

Ka khun syiem ruh daka jingshaniah ka kiewlang ha uta u kulai jadu bad mar kumta u nong India u shon ia u budam bad joit kiew u kulai sha suin, ki iaïd beit beit sha ka sorbah bad mar ia poi hangta u nong India u pynhiar ia u kulai kham shapoh khnang baroh kin iohi.

Baroh u paitbah u iohi hynrei kim lah leh eiei shuh. U syiem ruh u shu kbmied da ka jingbitar. U khun syiem pat uba la khreh ban mih leit shaw ia ka khun syiem rynkar bad ka proseson u shaiong ngain haba u iohi ba la kem koidi ia ka khun syiem da u nong India bad kumta u dem laka khlieh bad iam kthang. U sngewthuh hadien ba ka dei ka jingbakla la jong bad umlah ban kynnoh ia u manager.

Mynta u khun syiem u smai ba un ym shong thait haduh ba un da ioh pat ia ka khun syiem.

Khnanng ba yn nym don ba-itbuh ia u, u khun syiem u pynphylla dur ialade. Nangta u rah iwei i synduk mawlynnai bad u kynjri ksiar bala tynsad da ki maw hira bapher bapher bad nangta u mih ban leit wad ia ka khun syiem.

U nong India pat mynta u pynher shi pynher ia u kulai haduh ban da jngai na Persia u pynhiar khyndew ia u kulai pat ha kawei ka khlaw ka ba don ha ka hima Kashmir. Mar ia hiar, u leit wad jingbam ialade bad ia ka khunsyiem.

Ka khun syiem kaba la shla da ka jing bitar ka la mut ban phet noh. hynrei na ka daw jong ka jingthgan ka rai ban sa phet ynda la dep bam, mar ia wan rah bam uta u nong India, ka bam haban da hun jrut bad nangta ka lynniar briew ban wan iarap.

Uta u nong India u shoh ia ka khnanng ba kan ym lynniar, hynrei la ioh sngew ia ka jinglynniar jong ka, da kawei ka kynhun shipai shong kulai kiba mar mar ki wan sha kata ka jaka. Tang shu iohi ia ki ka her bad dem ha khmat jong u rangbah shipai bad ka ong :-

"Shgewbha seh kynrad, pynlait lem ia nga, nga dei ka khun jong u syiem hima Bengal. Nga

dei ban iapoi kha bad u khun syiem Persia, bynrei une u dakaid u tongtuh ia' nga sha-ne halor jong une u kulai jong u.

Uta u rangbah shipai dei u syiem jong ka hima Kashmir. Hadien ba u la ia kren bad ka bad sdang iapmat ia ka jingbhabriew jong ka u hukum ia ki shipai ban kem ia uta u nong India. Ynda u la poi ha iing syiem u nong India u kyrpad ia u syiem ban pyllait ia u, u da batai ba kata ka khun syiem dei ka lok jong u, hynrei ym don ba ngeit ia u. U syiem u ba la dap da ka jingbitar u hukum ban khrai khlieh ia uta u nong India na ka bynta ka kam runar jong u.

Hadien kata u sultan u ialam ia ka khun syiem sha iing syiem jong u.

"Sngewbha kein khun syiem ban leit sah noh mynta ha iing syiem jong ngi bad khein ia kane ka iing kum ka iing syiem jong phi hi", ong u sultan.

Ka khun syiem kaba dap da ka jingkmén ba la lait na ka kti u nong India ka kiew lang halor u kulai jong u sultan ban leit sha iing syiem.

Ynda la poi ha iing syiem, la ialam ia ka sha ka kamra kaba iphuh iphieng bad la sumar bad peit ia ka da ki shakri kyathei. Ynda ka la sum la sleh bad ba la pynriam pynbeit ka sa leit shong bam ryngkat bad u Sultan, kada iathuh artad ia kaei kaba jia baroh.

Mynmiet ynda ka la leit sha kamra thiah ka pyrkat ia ka jingleh bha jong eta u Sultan bad ka ngeit skhem ba un sa ialam ia ka sha Persia. Phewse u Sultan pat u don la ka jong ka jingthmu. Ha ka jingshisha naduh ka khyllipmat ba u iohi ia ka u iapmat lypa ia ka dur bhabriew jong ka bad mynta u rai ban iapoi kha bad ka. Kumta ha ka-

ta ka-juh ka miet u phah pynbna kylleng ka hima ia ka jingiapoikha jong u bad ka khun u syiem Bengal.

Ha ka step kaba bud ka shnong baroh kawei ka dap da ka jinkynhoi risa kmen ba u Sultan un iapoikha bad ka khun syiem Bengal. La pynphuh pynpheng ia kilynti ki synkien na ka bynta kane bad ka bapli ka ka khun syiem ka lyngngoh ban iohi ia kane ka jingpynkhreh. Kumta ka la kylli ha ki shakri bad la iathuh ia ka ba kane baroh ka jingpynkhreh dei na ka bynta ka jingiapoikha jong ka bad u Sultan. Ka khun syiem ka shaong ngain haba ka iohsngew ia kane ka khubor.

"Kumno kane ka lah ban long", ka ong ia kata ka shakri rangtah, "haba nga dei ban iapoikha bad u khun syiem Persia bad ia kane ka jingshisha nga la lah iathuh ha u Sultan".

Nangta ka iamkthang ba ka la ngat ha ha ka jingriam. U Sultan u wan ban jngoh haba u iohsngew ia ka jingiam jong ka bad

u khroh ba kan pdiang ia ka jingtyrwa jong u. Hangta lei lei ka khun syiem ka iapler syndon khlem da tip briew shuh. Ynda ka la tip briew, ka pyrkhat kumno ban lait na kane ka apot. Khnang ba u Sultan un isih ia ka, ka rai ban shu lehnoh kum kaba lamwir bad naduh kata ka sngi ka leh thik kum ka briew kata lamwir.

Kane ka jingleh jong ka ka la pyn-ngeit ia u Sultan ba ka la lamwir shisha. Kumta u phah khot ia ki doktor jong ka hima ban sumar ia ka. Ka khun syiem ka sngewthuh ba lada ki doktor kin eksamin ia ka kin shem ba kam shym biej Kumta khnang ban i kum ka biej ka pynnoh la u shniuh rangieb khlem da sad da khyllong bad khlem da sum da sait shuh bad nangta ka shri ka kbain ia ki doktor ba mut ban sumar ia ka ka da leh kum ban trud bad kynrup. Kumta ym don doktor ba nud ban lecit hajan jong ka. La shu ai ia ka tang da ki dawai ban dih bad ia kineruh ka shim bad ka bret khlem pyn-donkam.

Ynda u Sultan u la iohi ba ki doktor na ka hima jong u kim lah shuh ban pynkoit ia ka khun syiem, kumta u kyrpad ia ki doktor na-bar ri ban wan sumar bad u da kular ban siew ha ka dor kaba heh. Kumta bun bun ki la wan ban pyrshang hyurei ki hap her krad namar ka nongpang ka trud bad dait ia ki. Wat u Sultan hi ruh um nud shuh ban lecit sha-jan jong ka.

Uta u khun syiem Persia pat uba wad ia ka khun syiem sawdong pyrthet u wan por ryngkhat ha ka hima Kashmir. Hadien ba u la sah bun bun sngi u iohsngew ia ka khana jong ka jingpang lamwir ka khun syiem. bad kumno ba u Sultan u kloib an ai ka jingsiew kaba heh lada don ba lah ban pynkoit ia ka. Ynda u la tohkit bha u suba ba kata ka khun syiem ba panglamwir ka lah ban dei ka samla jong u. Mynta u kut jingmut ban leit iashem bad u Sultan ha ka dur jong u doktor. "Nga dei u doktor na ka ri Persia," bad nga la wan khnang ban pyrshang sumar ia kata ka khun syiem". Ka jinglamwir jong ka nong pang ka la nangjur nangjur, "la jubab Sultan, "bad don jingma lada phi tur eh ha jan".

"Nga la ju ia kynduh kum kine ki nongpang,, la jubab u khun syiem "bad da kaba shu peit na jngai nga lah ban ithuh la kita ki nongpang lamwir ki dei kiba ma ne bym ma."

"Kata baroh ka dei ha ka jingstad jong phi kum u doktor, "la jubab u syiem" bad phi lah ban sdang sumar ha kano kano ka por ba phi sngewbit".

Kumta la ai jingbit ia u Khun syiem ban rung ban mih sha kamra jong ka khun syiem. Hadien ba la pyni ia ka kamra jong ka khun syiem, u ta u doktor u peit syntiat na kyndong bad shi syndon u ithuh mynta ba ka dei ka samla jong u.

Hadien katto katne, sngi u leit sha u Sultan bad iathuh ba u lah ban pynkoit tang ba ka shim'por. Ka jngkmen jong u Sultan ka bym lah ong shuh. U khun syiem u peit thuh thik pathik ia ka iaid ka ieng jong ki shakri shakor, ka khun syiem bad ia ka por ba ki ju pyn aram ialade mynsngi. Kumta u jied ia ka por shiteng sngi ha kaba ka iing syiem ka kham, kynjah bad u leit rung sha kamra ka khun syiem. U shem ia ka khun syiem ba ka dangiohthiah lyngngai bad u khot mian mian ia ka kyrteng jong ka. Thret ka kyndit bad ka mut ban lynniar, thrait kynrup u khun syiem u da pasiaw artad ia ka ba u dei u Khun syiem Persia ba wan ban sumar ia ka ha ka dur jong u doktor. Toin jem ka khun syiem bad ka wiat samrkhie, bad kumta ka sa iathuh lyngkot ia ki jingjia baroh. Hadien kata ki sa ia khlad khnang ba yn ym don ba suba ia ka jingiadei jong ki.

Ha ka sngi kaba bud u khun syiem Persia u leit jngoh biang ia ka khun syiem kum u doktor bad hangta ki sdang ban ia purkhana shaphang aiu ka jia naduh ba sdang tad haduh ban da poi ha kane ka kkep ("Ngi dei ban her krad noh nangne," la ong u khun syiem "tang ba ngi hap ban husiar bha ha ka ktien ka thylliej bad ha kaju ha por ngi dei ban ioh biang ia uto u kulai jadu namar khlem ma u ngim lah ban her nangne."

Hangta ka khun syiem ka iathuh ba uta u kulai jadu u don ha ka jakakynsbew: spah

jong u Sultan bad tang ma u hieba lae ba
 pynphai pat ia u, nangta u kbum syah u
 batai ia ka ia ka bui ba u leh ban ion pa
 ia u kulai bad ha kajuu ka por u ong ba
 dei ban leh thik kumba u ia batai? adad ei

Shitalew hadien kata, u Khun syiem Peran
 u leit ia kynduh ia u Sultan bad u ong
 Nga ngeit ba nga lah ban pynkoit ia ka tangba
 nga dei ban tip ia ka khana ba adyndor jong
 ka namar ba ha ka jingpeit jong nga imar
 ka nongpang ka ia kynduh ia ki jingjia ba
 shyrkhei ha ka jingim jong ka.

Nangta u Sultan u sa iathuh lut phar kumno
 ba uta u nong India u wan kit ia ka ha u
 kulai dieng bad kumno ba la pyllait ia ka na
 ka kti jong uta u dakaid. "Bad mynta uta u
 kulai dieng", la ong u Sultan, udon ba ka
 jaka kynsher, spah jong ka hima.

"Ba u kulai dieng u her ha suin," la jubab
 u doktor, "ka bym lah long, wat la katta rau
 ka bha hi ban da peit ia u ba ion u long
 ka daw jong ka jingpang."

"Lada uta u kulai dieng u lah ban wan
 rah jingiarap ei ei ha ka jingsumar jong phi,
 phi lah ban leit peit ia u" la jubab u Sultan.
 Kumta ha ka sngi kaba bud ki leit peit ia uta
 u kulai dieng. U doktor u peit bniah bha ia
 uta u kulai dieng u da iaid tawlar ia u bad
 jaka jaka u ktah ia u kumba u lap laiu rei.
 U Sultan uba don lang nangta u peit lyng
 ngoh lyngkat bad ka jingsngewbha. Mynta u

doktor u phai sha u Sultan bad u ong, "Mynta nga thikna ba kata ka jadu ba ka khun syiem kaioh dei na une u kulai dieng jadu Bad ka lad ban pynkoit ia ka khun syiem dei tang da kaba sei ia ka jadu na ka khun syiem bad thep pat ha une u kulai dieng jadu. Bad ia kane dei ban leh noh marmar. Kumta lashai mynstep dei ban sei ia u ne u kulai dieng bad buh halor rynsan ha khmat iing syiem khnang ba baroh kin iohi bad ia ka khun syiem ruh dei ban pynriam bha da ki jain ba kordor bad dalade hi ryngkat bad ki shakri jong ka ngan sa wan ialam hangne ha madan ban pyndep ia ka jingsumar jong nga.

U Sultan u ai hukum ia ki shakri ban leh thik kumba la batai u doktor. La buh ia uta u kulai dieng ha ka rynsan khnang ba u Sultan bad ki myntri ki lah ban iohi kvyndiang. La buh ruh hynriew tylli ki shula kiba heh ba dap da u rnga ba rhem baroh sawdong u ta u kulai dieng. Hadien ba uta u doktor u la kiew ha ka rynsan ba don uta u kulai dieng, la wan ialam ia ka khun syiem ha kata kajuh ka rynsan bad u doktor u la ai dak ia ka khun syiem ba kan shong halor uta u kulai bad shisyndon ka la kiew bad shong. Hangta u doktor u la iaid tawiar sawdong sawdong ia uta u kulai dieng bad u da kren da khana marwei marwei bad nangta u ber aiu-re ha kita ki shula, shi syndon mih ka ding bad ka tдем kaba iong. Bad u leh ha kane ka rukom lai sien lai wat bad ha ka sien kaba lai u ber kham bun u kynjah powder haduh ba ym lah iohi

shuh ia u lane ia u kulai bad dei ha kata
 ka por ba u sa kiew joit halor uta u kulai
 ryngkat bad ka khun syiem bad tang hapdeng
 khyndiat minit kitei baroh arngut ki mih bluit
 napoh kata ka tdem iong halor uta u kulai
 dieng. Kane ka la pynlyngngoh ia baroh kita
 kiba don hangta ba kim ju iohi mynno-mynno ia
 u kulai ba her ha suin.

Baroh ki shu ia ang dheng bad khmih
 lynti sa aiu pat kan jia. Uta u kulai pat
 bad kita shijur halor ka met u her tawiar
 ia kata ka madan bah sawdong sawdong bad
 khatduh u her najan ka jaka ba shong u Sul-
 tan. Nalor jong uta u kulai u Khun syiem
 Persia, uba riam kum doktor, u pyrtta kumne:-

“Khublei Sultan jong ka Kashmir, lada
 phi kwah ban iapoi kha bad ka khun syiem phi
 dei ban da kynjoh ktien nyngkong nyngshap eh
 ia ka trai” bad nangta da ka sur rkhié kaba jem
 u khun syiem Persia u pynkiew ia u kulai
 kham shajrong bad nangta ynda u la pynphai
 ia u kulai sha ka liang sepngi u sa jah noh
 artad ha ki lyoh.

Ym slem hadien kata u khun syiem bad
 ka khun syiem ki poi ha ka hima Persia
 bad baroh ki khun ki raiot ki kmen pat
 ban iohi biang ia ki. U syiem ruh u pyni
 dep noh mar mar ia ka jingiapoikha jongki
 ryngkat bad ka rong ka tamasa bad ka kha-
 wai ka dawai kaba neh da ki taiew. Nangta
 la phah ia u nonglamkhubor ban leit iathuh
 ia u syiem ka Bengal.

Hadien kata u syiem Bengal u wan da
lade hi ban ia kynduh ia u pyrsa kurim bad
u ar ka kyrkhu kyrdoh ia kine ar ngut.

Hadien ka jingiap jong u syiem Persia,
u khun u sa kiew ha ka khet u kpa bad
nاده kata ka por ki sa iashong suk shong
sain.

— + —



LALOO BROTHERS
BANGKOK
TELEPHONE 743001